

CNS1290

R GB 14-09 00171 BB238

aab

PENTING BAGI NEGARA ASIA TIMUR ADA STRATEGI BARU

Mahathir

I

KUALA LUMPUR, 14 Sept (Bernama) -- Perdana Menteri, Datuk Seri Dr Mahathir Mohamad berkata negara Asia Timur perlu mempunyai wawasan dan komitmen bagi menggubal dasar dan strategi baru untuk memenuhi keperluan masyarakatnya.

+Walaupun kita mungkin belajar banyak dari negara maju, adalah penting kita mempunyai wawasan dan komitmen untuk menggubal dasar dan strategi baru dengan mengambil kira perbezaan dan keperluan masyarakat kita, kata beliau dalam perutusan di buku cenderamata Kongres Antarabangsa Pertubuhan Timur bagi Perancangan dan Perumahan (EAROPH) di sini.

Katanya, kerajaan Malaysia komited ke arah mengukuhkan hubungan lebih kuat dalam kerjasama teknikal dan perdagangan di kalangan negara di rantau ini.

Dr Mahathir gembira isu penting pembangunan yang melibatkan pertumbuhan masyarakat dan pusat bandar di dunia sebelah sini akan dibincang pada kongres.

Tema +Merancang Ke Arah Masyarakat Penyayang+, yang dipilih oleh penganjur kongres, adalah selaras dengan matlamat kerajaan Malaysia mewujudkan masyarakat penyayang dalam proses pembangunan, katanya. -- Lagi

♥14/09/15-48MST

CNS1291

R GB 14-09 00065 BB239

aab

Mahathir 2 (Akhir) Kuala Lumpur

Kongres lima hari itu dirasmikan oleh Timbalan Perdana Menteri, Encik Ghafar Baba hari ini dan dihadiri kira-kira 100 peserta dari rantau Asia Timur.

Ia dianjurkan oleh Kementerian Perumahan dan Kerajaan Tempatan dengan kerjasama Jabatan Perancang Bandar dan Desa, Institut Perancang Malaysia, Persatuan Pemaaju Perumahan Malaysia dan Institut Arkitek Malaysia. -- Bernama